



精圖

奇史大觀

歇浦寓公著

上海時化書局發行

全四冊

中華民國九年四月印刷
中華民國九年六月出版
中華民國九年七月再版

版權
所有

●精奇史大觀●
圖

全書四冊定
價大洋壹圓

編輯者 歇浦寓公

印刷者 上海時化書局

發行人 古越邵時蓀

代發行所 本埠各大書局

總發行所上海

伯頓路鳴興里七五六號

時化書局

敍

風雲變幻天道之常也而世人視之則恆以爲奇陵谷變遷地道之常也而世人視之尤恆以爲奇聖狂變相人道之常也而世人視之又恆以爲奇奇之云者非怪之謂也先聖有言素隱行怪後世有述焉吾弗爲之矣蓋怪異之談多涉荒唐欺世有餘儻世不足聖人之所以不語怪者意在斯乎若舍怪而言奇則人猶是人事猶是事物猶是物不過於常人常事常物之間表而異之乃覺其所奇爲


耳是故仁人志士義夫烈婦之所爲固天地間一奇也即下而至優伶丐隸禽獸草木其寓有奇情奇意與衆不同者亦不能不以奇目之鄙人錄錄無所奇惟於奇人奇事奇物之軼聞往往留意搜考隨時錄述積年餘約得百則編爲四卷有奇善足稱者吾從之有奇惡足戒者吾改之一從一改于修己之方或亦有所裨益歟若謂以怪異欺人則吾豈敢

中華民國九年三月歇浦寓公識

奇 瘤 圖



奇 遇 圖



精圖

奇史大觀目次

卷一

奇孝

二則

奇忠

奇烈

奇俠

二則

奇情

奇童

奇婦

奇女

二則

奇妾

二則

奇僕

奇婢

卷二

奇緣

奇遇

奇運

奇兆

奇富

奇技

奇勇

奇術

奇課

奇癡

奇影

奇癖

奇瘤

奇夢

奇鏡

奇獄

奇案

奇讞

奇役

奇冤

卷三

奇叟

奇兒

奇醫

奇吏

奇僧

奇隱

奇妓

奇尼

奇賺二則

奇伶

奇丐

奇盜

奇竊

奇騙十二則

奇狐

奇鬼

奇犬

奇貓

奇鼠

奇虎二則

奇柳

奇菊

卷四

風塵奇賞

髯俠奇蹤

巧令奇才二則

獸官奇憤

科場奇捷

訟師奇計二則

賢婦奇規

男女奇幻

秦晉奇緣

俠女奇晦

誤藥奇效

學生奇肖

薄倖奇報

蒙師奇疾

戇僕奇誠

馬甲奇逢

浮惡奇譴

結婚奇啓

癩疾奇瘳

堪輿奇驗

測字奇應

偷兒奇算

精圖

奇史大觀卷一

奇孝

滇南汪太學琦。矢志入都以酬弧矢之志。行至河南。卒於
溱浦道中。歷三年。家人莫知消息。其子越甫五六歲。性極
孝。少長。日思其父。欲北上蹤跡之。其母以年幼弗許。迨年
十七。力白母。欲往。母料其父必死。而遺骨未歸。日夜啜泣。
見越意不可回。不得已。捫擋數十金。涕泣而囑之曰。兒以
冲年客萬里。母肝腸寸斷矣。凡百宜自愛。倘得見汝父。可

急同歸。無使倚閭人淚眼望穿也。越痛哭受教。一姊一弟。年相亞。夙敦友愛。亦各涕泗滂沱。恨不與俱。鄰里共勸。然後分手。越北上。亦病於溱浦辰龍關之逆旅。力疾入市取藥。遇一老人。瘦而髯。相之曰。孺子氣色灰敗。不久應死。苟從我指示。不特免罹禍患。且有喜慶。越穎慧。聞老人言。知其異。再拜求之。老人曰。先問子何以至此。越告以故。並詳姓名。老人歎曰。天緣也。子尊人十年前死於此。惟我知之。越聞父已死。大哭失聲。仆地不能起。老人曰。父死未葬。何以哭爲。汝父死日。邑令以棺厝山椒土地祠中。可速往。與

廟主謀措資買一席地瘞之。蓋死者以入土爲安也。葬父已無忘。老夫言會須向山西五里外見叢樹中有茅屋挂葦箔者。老夫當候汝於彼。必將有以教汝矣。言訖蹣跚自去。越此時驚惶忘病。茫茫然訪於樵蘇。果於土地祠中得父柩。有朱書題曰。雲南監生汪君琦之柩。越大慟。昏絕久之始定。因謀於廟主。廟主欺其幼。利其貲。多方魚肉之。越傾囊籌辦。盡售襤被衣履。甫得地方丈以葬。折蘆伐竹爲棚。墓側以居焉。久之大困。忽憶老人言。亟往訪之。乃如所指。向山西行七八里。果見叢樹中有茅屋數椽。門懸葦箔。

繞以笆籬。方將剝啄。而老人已扶筇出。見越衣服襤褸。歎曰。孺子一寒至此哉。越泣拜曰。幼年流落。舉眼無親。伏惟老丈憫我棘人。父骨得葬。悉出厚德。老人掖之起曰。孺子能孝。道器也。苟聽我教。不憂無好處。第恐念不堅耳。越陰念進退方失據。不如姑從之。負骨將母事。異日再圖可耳。乃再拜告曰。父死母老。身作斷蓬。死且抱恨。又何念之。不堅。老人頷之曰。子語及此。可以與謀矣。攜之入室。食而衣之。先賀而後弔焉。越愕然曰。老丈何爲慶弔相隨之速。老人曰。賀子者。賀今日有緣遇我。第相子之面。因以測子之

心。究竟管鑰不固。欲以相授。終慮不勝。是以復弔耳。越泣曰。丈人亦何輕重之甚。姑請試之。果其不勝。願甘驅逐。老人拊掌曰。試之不勝。身命不保。欲求驅逐。得乎。子尙三思。勿貽後悔。越曰。志堅似石。無所用思矣。老人點首無言。次日已暝。老人攜越繞出屋後。入一土穴中。黝然如漆。正中設一蒲團。使越趺跏其上。曰。古與今如一邱之貉。惟大人爲能不朽。務耕而不耨。維草其宅之。及秋而不穫。維禽其饗之。雞之斷尾。自憚其犧也。富貴功名。無非幻境。惟此靈臺方寸。乃是眞實不虛耳。子誌此而參之。翌日當來視子。

越頓首受教。老人去。越沈心息慮。學坐枯禪。約食頃。漸入淨境。又久之。覺震震行曠野中。但見惡獸蝮蛇。藁藁來往。殊堪畏怖。陰念生逢百罹。死且不避。險巇安足辭。特父死未歸葬。母老未終養。姊未嫁。弟未婚。一日死於此。何天之不仁也。方痛心間。異物紛紛散去。驀地迎面一人來。服短衣。裹赤幘。面瘦狹。而兩眼大如盞。繞頰赤髯如虬。控駿馬如雪之白。見越執禮甚恭。屏立道左。致詞曰。仁聖帝使迎。郎到任。越訝曰。到何任。曰。郎已授職。爲本地城隍矣。越曰。家有老母在堂。此事斷不能從命。曰。郎已列仙班。可亟往。

蓬瀛方丈。享無疆之樂。越悽然曰。老父客死他鄉。老母情牽故里。神仙何樂而爲之。其人笑曰。郎純孝也。念念不忘二親。小人寧復敢誣。小人實郎家廝養也。卒承主人命。祇候郎。幸急行。勿緩。越驚曰。素昧生平。何云廝養。君必誤矣。其人曰。不然。可即行。主人急欲見郎。故遣代步來迎耳。越猶豫。其人不耐。直前掖之上馬。連鞭之。馬長嘶而馳。輕迅剽速。瞬息至一處。見多人自西南來。簇擁一車。駕驢馬。孔蓋翠旂。氣象煥赫。越匍匐隱樹側。伺之良久。車漸近。車製寬廣。如一間屋。中坐四五人。內一婦人。忽作驚訝聲曰。